

حقوقی بیکیسیر مجموعه سی

هر آیک اون بشنده نشر اولنور

وکیل واسطه سیله نکاح یاسیله بیلیری؟

احکام سابقه مزه نظرآ نکاحک وکالة عقدی جائز وادوار مدیده ظرفنده بزده ویا لکز مذهبی نکاحی قبول ایدن برچوق مملکتلرده اکثریا وکالة نکاح عقدایدلمکده ایدی .

یکی قانون مدنیزک، نکاحک اجرایی ایچون اولنه جک اولانلرک بلدییه دائره سندیه ویا هیئت اختیاریده حاضر بولمیرنی واولندیرمه مأمورینک اولنه جک اولانلرک هرینه، بربرلیله اولنک ایسته یوب ایسته مدکلرینی صورارق بونلرک موافقت جوابلری اوزرینه نکاحک عقد اولنه جقنی صراحة امر ایله مش [ماده : ۱۰۸، ۱۰۹] اولسنه رغماً بعض محاکم ودوائر مزک نکاحده حالا وکالتک جائز اولدیغنه ذاهب اولمالری نکاح ایچون لازم اولان مراسم و شرائطک انتظام عامه ایله علاقه دار اولدیغنی وبناء علیه بونلردن فراغت جائز اولمادیغنی اساسنک بر درلو آ کلاسیله مادیغنی کوستریبور.

بوندن بشقه نکاحده طرفینک رضایی شرطدر. حتی فرانسه قانون مدنیسی ۱۴۶نجی ماده سندیه قطعاً «رضا اولما یخه» نکاحده یوقدره دیمکده در. رضائک یالکز وجودینی کوسترمک کافی اولمایوب طرفینک نکاح مأموری حضورنده بالذات حاضر بولنه رق یکدیگرینه قاری، قوجه اولق اوزره یاشامق ایستدکلرینی بیان ایتمک صورتیه رضالرینی اظهار واعلان ایملری فرانسه حقوق مدنیسی مستقبل زوج ویا زوجه نامنه واونلری تمثیلاً اثبات وجود ایدن وکیلک عقد ایده جکی بر نکاحی قبول ایتمه مشدر.

نکاحک وکالة عقد ایدلسی اصولی، فرانسه ده اولجه موجود اولدیغنی حالده ایلمک دفعه قانون مدنی ایله قالدیرلمشدر. حقوق مذهبییه وکالة عقد نکاح جائز ایدی . قانون مدنینک تنظیمنده نکاحده تام بر سربستینک حاکم اولسی بک محق اوله رق دوشونولمش و طرفینک صوک دقیقه قدر فکرلرینی دیکشدره بیله جکلری نظر دفته آلمشدر. [۱]

[۱] فرانسه حقوق مدنیسی. آمبرواز قولدن و قایتان جلد ۱، صفحه ۱۲۷

طرفینک نکاحده بالذات حاضر بولونمالری عقدك آن اجرا سنده قدر ازدواج آرزولرینك دوام ایستدیکنه تأمینات تشکیل ایدر. نکاحك عقدی ایچون مستقبل زوج و زوجهنك شخصاً حاضر بولنلری منع ایدن احوال او قدر نادر در که بولنری، بالذات حاضر بولنلق مجبوریتنه کی اهمیتنه مبنی، نظر اعتباره آلامق ایجاب ایلر.

غرب قانونلرینك بعضیسنده و خصوصیه آلمان قانوننده نکاحك وکالة عقدینی جائز کوسترن احکامك موجود اولدیغی افاده ایدن نشریات دوغری دکلدر.

اسویچره قانون مدینسی تنظیم ایدن متوفی «اوژن هوبەر» ك محتویاسندن چوق مستفید اولدیغی آلمان قانون مدینسنده وکالة نکاحك عقدینی تجویز ایدن هیچ بر حکم یوقدر. بالعکس بوقانونك 1317 نجی ماده سنده اوله نه چك اولانلرك شخصاً بیاناتده بولنلری مشروط اولدیغی مذکوردر. ۱۳۱۷ نجی ماده ده عیناً «نکاح شخصاً و عینی زمانده حاضر بولان نشانلیرك یکدیگریله اوله نه چك ایسته دکلرینه دائر اوله رق سجل احوال مدنیه مأموری حضورنده وقوع بولان بیاناتی اوزرینه اجرا اولونور.

سجل مأمورینك بو بیاناتی اخذ و قبوله آماده بولونمسی ضروریدر. بیاناتك شرط و یا مدت تحتنده وقوعی جائز دکلدر» دنیلمشدر.

آلمان قانون مدینسك متعاقب ۱۳۱۸ نجی ماده سنده «سجل مأمورینك نکاح عقد ایدیلیرکن ایکی شاهدك حضورنده نشانلیری آری آری و بر برینی متعاقب استجواب ایدرهك یکدیگریله اوله نه چك ایسته یوب ایسته مدکلرینی صوراجینی و بونلرك مثبت جوابلری اوزرینه کندیلرینك بعدما قانون مدنی موجبجه بر برلریله مشروع اوله رق برلشن زوج و زوجه اولدقلرینی بیان و اعلان ایده چکی» مندرجدر.

بو ایکی ماده، آلمان قانون مدینسك دخی نشریات واقعه یه مخالف اوله رق نکاحك وکالة عقدینه جواز کوسترمدیکنی اثبات ایدیور.

فرانسه قانون مدینسنده دخی نکاح مأمورینك بلدییه دائره سنده و دورت شاهد مواجهه سنده مستقبل زوج و زوجه دن یکدیگریله ازدواج ایتك ایسته دکلری جوابی آلدقن صوکره نکاح ایله برلشدکلرینه قانون نامنه حکم ایده چکی ذکر ایدلمشدر.

(قودسیوویل، ماده: 64)

عقد نکاحده طرفینك حاضر بولنمسی لزومی فرانسه قانون مدینسك آنفاً بیان

اولان 64 نجی و متعاقب ماده لرندن آکلاشیلدینی کبی حقوق مدنیه شر حلرنده نکاحک وکالة عقدی جائز اولدینی پک صریح اوله رق بیان ایدلشدیر. حتی (دالوز) ک کوچوک لغتنده کی (mariage) کله سنک تعریف وایضا حنده «طرفین عاقیدنک حضوری شرطدر. وکیل ایله ازدواج جائز دکلدر» فقره سی عیناً موجوددر.

اولنمه عقدینک زمان اجرا سنده قاری وقوجانک بالذات حاضر بولملری قاعده سی فرانسه ده عسکرلره مخصوص اولق اوزره حرب عمومی ده اساسلی بر تعدیله اوغرا مشدر. ۲ نیسان ۱۹۱۵ تاریخی بر قانونه نظراً زمان حربده حربیه و بحریه ناظر لرینک مأذونیتنه واسباب مهمه یه مستنداً سلاح آلتنده بولنان بری و بحری عسکرلرک بالذات حاضر بولمقد قاری حالده نکاح خصوصنه توکیل ایده جکلری اشخاص معرفتیه نکاحلری عقد اوله بیلیر. اسویچره حقوق مدرسلرندن (روسه ل) ک «قانون مدنی شرحی و نظریه لری» عنوانی آلتنده لسانمه نقل اولنان معروف اثرینک برنجی جلدنده وکالت طریقله اولنمه نک جائز اولمادینی پک صریح و قطعی اوله رق بیان ایدلشدیر.

هم نظری، هم مقایسه لی اولان یوقاریده کی تفصیلاتدن اولنمه نک هیچ بر سبیدن دولانی وکالة عقدی جائز اولمادینی آکلاشیلدیر. بزده دخی بو نظریاتی وامثاله مخالف تطبیقات واجتهاداتک تأسس ایتمه سی جوق شایان تمیدر.

خزینه و مسکرات اداره سی وکیل لرندن

آوردقات : عثمانه نوری

اجرا رئیس:

احمد رفیق

اسویچره ده

بورج ایچره نفعیات

اسویچره اجرا حکملری تدقیقلرندن:

— ۲ —

(بورج ایچره نفعیات)

مجلس ملی به تقدیمی مجرد علمی تدقیقاتنک توسیعاً اکالی ضرورتیه اوکمزده کی سنه به تعلیق بیوریلان اجرا قانونی لایحه سنک استناد ایلدیکی اسویچره نک بورج وافلاس ایچون